

United Nations  
Nations UniesInternational Criminal Tribunal  
for the former Yugoslavia  
Tribunal Pénal International  
pour l'ex-Yugoslavie

“Lašvanska dolina” (IT-95-15)

**ZORAN  
MARINIĆ****ZORAN MARINIĆ  
“Švabo”***Optužen za hotimično lišavanje života, ubistvo, hotimično nanošenje teških ozljeda i okrutno postupanje*

Takođe poznat pod nadimkom “Švabo”, tokom aprila 1993. bio je vojni policajac snaga Herceg Bosne, poznatih pod nazivom Hrvatsko vijeće obrane (HVO)

- Postupak je prekinut 2. oktobra 2002., optužnica je povučena

*Krivična djela za koja je optužen (primjeri):*

**Hotimično lišavanje života i hotimično nanošenje teških ozljeda** (teške povrede Ženevskih konvencija)

**Ubistvo i okrutno postupanje** (kršenja zakona i običaja ratovanja)

- Zoran Marinić je lišio života i učestvovao u lišavanju života četiri civila bosanska Muslimana.
- Pucao je na jednog civila i ozlijedio ga.

<b>Rođen</b>	Dana 6. juna 1963. u mjestu Ravan, opština Busovača, Bosna i Hercegovina
<b>Optužnica</b>	Podignuta 2. novembra 1995., potvrđena 10. novembra 1995. i povučena 2. oktobra 2002. godine

**POVEZANI PREDETI***prema geografskom području*

BLAŠKIĆ (IT-95-14) “LAŠVANSKA DOLINA”

KORDIĆ I ČERKEZ (IT-95-14/2) “LAŠVANSKA DOLINA”

LJUBIČIĆ (IT-00-41) “LAŠVANSKA DOLINA”

ALEKSOVSKI (IT-95-14/1) “LAŠVANSKA DOLINA”

BRALO (IT-95-17) “LAŠVANSKA DOLINA”

KUPREŠKIĆ *i drugi* (IT-95-16) “LAŠVANSKA DOLINA”

FURUNDŽIJA (IT-95-17/1) “LAŠVANSKA DOLINA”

HADŽIHASANOVIĆ I KUBURA (IT-01-47)

DELIĆ (IT-04-83)

## OPTUŽNICA I OPTUŽBE

Optužnica protiv Zorana Marinića potvrđena je 10. novembra 1995., a nalog za njegovo hapšenje izdat je 26. juna 1996. godine.

Optužnicom su obuhvaćene optužbe za incident koji se dogodio u Busovači, gradiću u središnjoj Bosni i Hercegovina, u aprilu 1993. godine. U optužnici se navodi da je oko 22:00 sata u noći 26. aprila 1993. Zoran Marinić sa nekoliko neidentificiranih vojnika HVO ušao u kuće porodica Hodžić i Topalović, civila bosanskih Muslimana iz Busovače. Prvo su ušli u kuću porodice Hodžić tražeći Ramiza Hodžića, koji je, nakon što je pobjegao iz kuće vidio da mu kuća gori i čuo da se puca.

U optužnici se dalje navodi da su ubrzo poslije toga, oko 23:00 sata, Zoran Marinić i neidentificirani vojni policajac HVO ušli u Topalovića kuću i dalje tražeći Ramiza Hodžića. U to vrijeme u kući je bilo pet osoba: Ahmet Topalović (star 85 godina), Sabrija Topalović (star 44 godine), Bedrija Topalović (star 44 godine), Adil Topalović (star 16 godina) i Veda Smulo (mala nećakinja koja je ostala bez roditelja). Zoran Marinić je počeo ispitivati Sabriju Topalovića, nepokretnog invalida. Budući da nije bio zadovoljan odgovorima answers, Zoran Marinić je napunio pušku, pucao direktno u u Sabriju Topalovića i usmrtio ga. Zoran Marinić je zatim pucao u Bedriju Topalović koja je ranjena pala na pod. Nakon rafalne paljbe, Ahmet Topalović, Veda Smulo i Adil Topalović pali su smrtno pogođeni. Ubrzo poslije pucnjave, drugi vojnici i susjedi iznijeli su članove porodice dok je kuća gorjela. Ahmet Topalović i Sabrija Topalović poginuli su na licu mjesta. Adil je umro poslije nekoliko sati a Veda dva dana kasnije.

Zoran Marinić je terećen na osnovu individualne krivične odgovornosti (član 7(1) Statuta) za sljedeće:

- Hotimično lišavanje života (teške povrede Ženevskih konvencija, član 2)
- Ubistvo; (kršenja zakona i običaja ratovanja, član 3)
- Hotimično nanošenje teških ozlijeđa (teške povrede Ženevskih konvencija, član 2)
- Okrutno postupanje (kršenja zakona i običaja ratovanja, član 3)

## ZAKLJUČENJE POSTUPKA

Tužilac je 29. avgusta 2002. godine podnio Zahtjev za povlačenje optužnice protiv Zorana Marinića. Sudija Amin El Mahdi 2. oktobra 2002. izdao nalog kojim je odobreno povlačenje optužnice protiv Zorana Marinića.

U svom "Zahtjevu za povlačenje optužnice protiv Zorana Marinića" tužilaštvo je utvrdilo da je u cilju boljeg raspoređivanja raspoloživih sredstava i pravičnog i ekspeditivnog rješavanja predmeta ponovno razmotrilo sve preostale optužnice. Da bi se to postiglo, tužilaštvo je odlučilo da skoncentriše svoje napore na privođenje pravdi počinitelja na višim položajima na hijerarhijskoj ljestvici. Tužilac smatra da je optuženi Zoran Marinić ima manji značaj na hijerarhijskoj ljestvici, i da je stoga, primjerenije da se optuženom sudi pred nekim domaćim sudom.